

gen junge Schösser aus/ vnd denn dieselben vnter einander geflochten wie ein Nasennetz/ alle Jahr die Schösser in einander gezogen/ vnd mit Weidenen Rützelein gehefftet / vnd denn mit einer Gartenschere fein gleich verschnitten / wie in LustGärten damit gehandelt wird. So du nun mit verfertiget / so wird endlich so ein schöner Zaun / fester vnd besser / denn keine Mauer seyn kan / da kein Mensch noch Viehe herdurch kan / vnd stehet auch hübsch anzusehen.

## Das 19. Capitel. Bäume Artzneyen.

**W**enn ihnen die Dmeissen schaden thun / vnd die jungen Schösser verderben / so schütte vnten vngelochten Kalch vmb die Bäume / aber nicht daß es den Stamm berühret / denn das können die Dmeissen nicht leiden. Wenn auch Baumöhl an den Baum gestrichen wird / so sollen sie auch nicht daran lauffen. Item / Nim Ziegenmist / vnd weiche den ein / vnd bestreiche die jungen Bäume wol damit / so schelen